

2018ko bigarren hiruhilekoan %4,1 gutxitu da ezkontza-kopurua Euskal AEn aurreko urtearekiko

Atzerriko naziotasuna duten ezkontide-kopurua, goraka

2018ko bigarren hiruhilekoan Euskal AEn 2.306 ezkontza izan ziren, iazko aldi berean baino %4,1 gutxiago, Eustaten arabera. 52 ezkontza homosexual izan ziren; 25 gizon artean, 27 emakume artean. Gainerako 2.254 ezkontzak heterosexualak izan ziren.

Ohi denez, bigarren hiruhilekoan nasaiki hazi zen ezkontza-kopurua, bereziki ekainean; aldiz, neguko hilabeteetan ezkontza gutxi izaten da.

2018ko udaberriko hilabeteetan ezkontzen %83,7 zibilak izan ziren, 2017ko hiruhileko berean baino 0,6 puntu gehiago, baina 2018ko lehen hiruhilekoaren (%93,1) azpitik. Aipatu portzentajea ezkontza heterosexualena da bakarrik; ezkontza homosexual guztiak zibilak direnez, 2,3 puntu gehitu beharko genituzke.

2018ko bigarren hiruhilekoko 2.306 ezkontzetan, bizilekua Euskal AEn duten 2.192 gizon eta 2.194 emakume ezkondu ziren. 1.891 senarrentzat (%86,3) horixe zen lehen ezkontza; 24 alargun eta 277 dibortziatu beste behin ezkondu ziren. Emakumeen lehen ezkontzen ehunekoa gizonenaren antzekoa izan zen: ezkongabeak, 1.884 (%85,9); alargunak, 14; dibortziatuak, 296.

Ezkontideen %87,2k, 30 urte baino gehiago


Ezkontideen adinari doakionez, senarren %90,8k 30 urtetik gora zituzten eta emazteen %83,6k. 2017ko aldi berean proportzioa handiagoa izan zen gizonen kasuan, %91,8, eta apur bat txikiagoa emakumeenean, %83,1.

Lurraldea kontuan hartuz, Araban 319 ezkontza izan ziren, %0,6ko jaitsierarekin aurreko urtearen aldean; Gipuzkoan, 734 ezkontza, %6,3ko jaitsiera; Bizkaian, 1.144 ezkontza, %4,0ko jaitsiera. Beste alde batetik, 109 bikotek bizilekua Euskal AEtik kanpoan kokatu zuten.

2018ko apiril, maiatz eta ekaineko gizon ezkonberrien %7,4 eta emakume ezkonberrien %10,7 atzerritarrak ziren. Aurreko urteko hiruhileko beraren aldean 5 hamarren gehiago da hori gizonen artean eta 2 gehiago emakumeen artean.

	2018/II		Aurreko hiruhilekoa (2018/I)		Aurreko urteko hiruh. bera (2017/II)	
	kop.	%	kop.	%	kop.	%
EZKONTZAK	2.306	100,0	981	100,0	2.404	100,0
<u>Homosexualak</u>	52	2,3	31	3,2	51	2,1
Gizon artean	25	1,1	10	1,0	18	0,7
Emakume artean	27	1,2	21	2,1	33	1,4
<u>Heterosexualak</u>	2.254	97,7	950	96,8	2.353	97,9
Kanonikoak	324	14,1	37	3,8	355	14,8
Zibilak	1.930	83,7	913	93,1	1.998	83,1
SENARGAIAK	2.192	100,0	915	100,0	2.297	100,0
Ezkongabeak	1.891	86,3	751	82,1	1.979	86,2
Alargunak	24	1,1	11	1,2	20	0,9
Dibortziatuak	277	12,6	153	16,7	298	13,0
EMAZTEGAIAK	2.194	100,0	945	100,0	2.294	100,0
Ezkongabeak	1.884	85,9	768	81,3	1.966	85,7
Alargunak	14	0,6	8	0,8	8	0,3
Dibortziatuak	296	13,5	169	17,9	320	13,9

Iturria: Eustat. Ezkontzen estatistika

Bizilekua Euskal AEn dutenen ezkontzak. Hileko datuak


Iturria: EUSTAT. Ezkontzen Estatistika

Informazio gehiagorako:

Eustat - Euskal Estatistika Erakundea / Instituto Vasco de Estadística
 Donostia-San Sebastián, 1 01010 Vitoria-Gasteiz
 Prentsa-zerbitzua: servicioprensa@eustat.es Tlf: 945 01 75 62